



partii naleraq

Nuuk, ulloq Februaarip 19-t 2016

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apeqqtut imaattoq saqqummiuppara:

**Naalackersuisunut apeqqtut:**

- 1. Aasaanerani ukiaaneranilu nalunaaquttap nunatsinni nikittarnera sumik tunngaveqarpa? Ilisimatuussutsikkut uppersisinnegarnikuuaa nunatsinni ilauqutaasooq?**
- 2. Iluaqutissartai suuppat?**

(Inatsisartunut Ilaasortaq Per Rosing-Petersen, Partii Naleraq)

**Tunngavilersuut:**

Eqqillit ilaat ima oqartoq kalaallisuunnngortissinnaavarput: Qungasequtip isua kiperiarlugu isuata aappaanut taggiutigingukku takissusaa allanngornaviangilaq.

Ukiut tamaasa ukiumut marloriarluta maani nunarsuup avannaarsuani najugaqartugut nalunaaqutaq Europami nunat uagutsinnut issittormiuusunut ungasingaatsiartumiittut assigalugit nalunaaqutaq nikisittarparput. Taqqavani ilaatigut tunngavilersuutigineqartartoq eqqaamasoraara tunngaveqartoq ikummatissamik atuinerup annikillisinneqarnissaa peqqutigalugu qaamanerup atorluarneqarnissaanut naleqqussarlugu tamanna pisartoq. Maanili uagut nunarsuup avannaarsuarmiuisugut qaamaneq allarluinnaavoq, taassumallu saniatigut aamma nukissiornikkut pilersorneqarnitta 70%-ia sinnerlugu erngup nukinganik pilersorneqarluta, taamaattumik allamik tunngaveqannguatsiarluta. Taamaattumik tamatsinnut soqutiginaasooq paasissallugu sumik tamanna nikittarneq tunngaveqarneraq. Ilisimasakka tunngavigalugit nuna sanilerisaq Islandi nikisitsineq ajorput.

Ullut suliffiit qulit qaangiutinnginnerani akineqarnissara kissaatingaara.